



Kiletšo ya mesepelo dikolong

African Storybook

Busisiwe Ndlovu





Busisiwe le Bandile ba thabile kudu.

Dikolo di tswaletšwe ka lebaka la kiletšo ya mesepelo.
Ba thabetše go yo dula gae nako ye telele.



Ka morago ga dibeke tše hlano tša kiletšo ya
mesepelo, basetsana ga ba sa na lethabo.

"Ke leka ka maatla go ithuta ka inthanete. Go boima!"
Bandile a realo a buša moyo.



Busi a dumela, "Ke hlologetše go ya sekolong."

"Ga bjale, go boledišana ka sehlopha sa phapoši polatefomong ya WhatsApp le thuto ya thelebišene ke sona sekolo!" Bandile a realo.



A tšwela pele, "Bjale, sekolo se nyaka maikemišetšo le boikgafo kudu."

Busi a re, "Gape re swanetše re phele re na le data le network."



"Malapa a mantši ga a kgone go fihlelela theko ya data. Ba na le mathata a ditšelete," Bandi a realo.

Busi o nagana ka bagwera ba gagwe, Buhle le Luka.



Busi a re, "Bana ba bangwe ba hloka lenaneo la phepo la sekolong."

O tshwenyegile, "Na batswadi ba bona ba tlo kgona go reka dijo tše di lekanego?"



Bandile a re, "Rena ka gae re na le mahlatse. Kiletšo ye ya mesepelo ga se ya re ama gakaalo ka thokong ya ditšelete."

"Ke tloga ke hlobogetše bagwera ba ka kudu," Busi a realo a bile a buša moyo.



A tlaleletša, "Nka kcona go bolela le bona mogaleng efela ga go swane le ge ke ba bona. Ke rata go raloka le bona."



Bandile a tšweletša dipelaelo tša gagwe, "Ke hlogetše moya wa kua sekolong, barutiši, go ithuta dilo tše diswa le go ba le bagwera ba ka."

Mma a tsena ka phapošing ya bona.



"Basesana, ke sa tšo kwa mo seyalemoyeng gore dikolo di a bulwa gape beke ye e tlago," Mma a realo a myemyela.

Busisiwe le Bandile ba thabile kudu go kwa seo.

—Dipotšišo

1. Hlaloša gore mantšu ao a latelago a bolela eng: kgatelelo ya ditšelete, dithuto tša onlaene, lenaneo la thušo ya dijo.
2. Ekaba makgarebe a be a ipshina ka kiletšo ya mesepelo? Hlaloša karabo ya gago.
3. Bapetša dithuto tša ka sekolong le tša onlaene. Ke tsela efe ye e sa bitšego kudu?
4. Ge go ka ba le kiletšo ya mesepelo gape, ke eng se o ka se dirago ka tsela ye e fapanego?
5. Go na le tšeо o ithutilego tšona ka bophelo mo nakong ya kiletšo ya mesepelo? Hlaloša.
6. O nagana gore ke ka baka la eng sekolo se be se nyaka boitshwaro le maikemišetšo kudu nakong ya kiletšo ya mesepelo?

Pukukanegelo ye e theilwe godimo ga dipego tša bana tša Radio RX. Radio RX ke seteišene sa seyalemoya sa inthanete sa bana seo se tšweletšwago le go diragatšwa ke bana, ba direla bana.

Seteišene se, se gašwa go tšwa Bookelong bja Bana bja Red Cross War Memorial go la Kapa.

Radio RX e thuša bana go anega dikanegelo mabapi le ditaba tšeо di lego bohlokwa mo go bona.

[Etela RX Radio](#)



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).



NELSON MANDELA
Institute for
EDUCATION AND
RURAL DEVELOPMENT



basic education

Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: Kiletšo ya mesepelo dikolong

Author/s: African Storybook

Translator/s: Dikeledi Queen Shai

Illustrator/s: Busisiwe Ndlovu

Assurer/s: Connie Makgabo

Language: Sepedi



© Zenex Foundation - Saide 2025 (Updated Edition)

CC BY includes the following elements:

BY



Attribution CC BY

